

馬憂爾尼原著

乾隆英使覲見記

中華書局印行

序

自西人航海東來。壯遊之士。筆其聞見以告邦人子弟者。馬可波羅而後。繼起之書。已千五百餘種。不佞備餘涉獵。所讀亦六十餘種。於中紕繆駁雜。肆爲妄談者。居十一二。而摭拾浮言。結構一本。臆測者。居五六。要皆西人所謂一點鐘之書。書朝出而夕可求。諸拍賣之肆者也。外如卡爾女士慈禧寫照記。濮蘭德慈禧外記之屬。書雖不多。而或本躬歷。或根考據。類能剔抉隱闕。道人未道。以補正史之缺。此掌故之士之所珍。足以流傳久遠者也。而吾尤愛乾隆英使覲見記一書。書凡三卷。英使馬戛爾尼自述。凡純皇之政。見起居內庭。服御之侈。靡朝臣之庸。賸有司百僚之趨。躡奔走。酬應。供張之繁。縛編戶。齊民之活計。疾苦。罔不按其目擊耳食所及。一一記之。而於叩首禮之爭執。諸家筆記記之未備者。陳述尤詳。西人恆言歷史之學。乃置白首於青年之肩。使述往事。以詔來者。客夏苦熱。吾初讀此書。亦恍如一白首老人坐吾旁。爲吾媿媿道乾隆遺事。且而午午而暮。不復覺熱之來。襲吾體。是吾譯此書。文筆雖劣。而與吾有同好者。或不致遽謂是書爲一點鐘之書也。尤有進者。濮蘭德清室外紀有言。英使來華。所求互派公使。推廣商業。議訂稅則。諸事。中朝一不之許。但錫以文綺珍玩。令歸。故英使所得文綺珍玩。而外僅有本人及隨員之

筆記而已。吾則謂此筆記之直重於文綺。珍玩爲倍萬。而重於所求。諸事者爲倍亦百。蓋自有此書。而吾國內情向之閉關自守。不以示人者。至此乃盡爲英人所燭。彼其尺進寸益。窮日之力。合有形無形以謀我者。未始非此書爲其先導也。吾昔主某報。嘗自西報譯一文曰。華人古代之冒險精神。爲美使柔克義演詞內言十五世紀。明人與南洋諸島。交際已繁。甚有遠達非洲北部者。其堅毅果敢。殆不在西人之後。惜商人重利。不能屬文。間有受帝王之命。往求犬馬珍好。且以遊記進呈者。又復志在媚茲一人。所紀多荒渺無稽。參以神鬼怪異。閱之足令人大噓。而帝王悅之。謂其人多能。且加獎焉。是以華人雖自古卽與海外通。而其茫然於海外實情。仍如是也。柔氏之責明人者如此。彼有清一代。膺命出使者。奚止十數輩。所爲書亦奚止十數種。而一觀其書。除庸盒筆記精核可貴外。勦襲陳說者有之。但紀宴遊瑣事者有之。已不能作。而令書胥爲之者有之。甚至某使懵懂不解事。出洋考政。懼無以復命。陰屬留學生數輩。爲撰遊記。而以千金易其稿。荒謬至此。亦能望其有裨國是耶。彼西人紀吾國事之書。雖千五百種中。精確者僅僅十之一二。然已弱人之國。而有餘。吾國虛糜國帑。象無數不辨菽麥之星使。而其歸束不過以無用之書禍及梓氏。吾譯此書。不禁感慨係之矣。民國五年春江陰劉復半農父識。

# 乾隆英使觀見記 上卷

一千七百九十三年六月十五日禮拜六。吾船獅子號。自交趾支那之多倫海灣出發。向中國開行。同行者有三船。一爲印度斯坦號。較大。餘二船。一曰憂考爾。一曰克拉倫司。均二桅之小帆船也。十九日禮拜三。下午二時。中國大陸。已隱隱可見。其方向則羅盤中之「東北偏北」也。二十日禮拜四。晨六時。下旋於辣得郎海口。余命史但頓勳爵。密司忒麥克斯威爾。甲必丹麥金吐司三人。登陸報告吾船抵埠之息耗。願以此時一季中之商船。多未抵埠。（譯者按。爾時交通機關。尙未大備。海外商船之來華營業者。不能如現時之川流不息。僅能按季往來一次。且必結夥同行。互相照應。故云然。）卽歐洲各國商人之營業於東方者。亦多在澳門。故報告而後。岸上未有若何之舉動也。二十二日禮拜六。下午。史但頓勳爵回船。言得澳門消息。中國朝廷自得吾英特派使臣來行。觀聘禮之確耗。而後文武官員均大爲滿意。乾隆皇帝亦以爲己身克享遐齡。以古稀天子之身。至政幕將閉之候。而猶得一遠國如吾英吉利者。使使萬里。東來共敦睦誼。則其畢生之威名榮譽。至是而益增矣。因通令全國各海口。凡有吾英皇帝陛下所屬之船隻抵埠者。當以

至敬之儀節。迎接云。（譯者案。東華錄。乾隆五十七年冬十月乙酉。上諭。軍機大臣等。郭世勳等奏。據洋商蔡世文等稟。有英吉利國夷人。噠啣啞。晚噴。啞等來廣稟稱。該國王因前年大皇帝八旬萬壽。未及叩祝。今遣使臣嗎。嚶。囉。呢。進貢。由海道至天津。赴京等語。並譯出原稟進呈。閱其情詞。極爲恭順懇摯。自應准其所請。以遂其航海向化之忱。卽在天津進口赴京。但海洋風帆無定。或於浙閩江蘇山東等處。近海口岸收泊。亦未可知。該督撫等。如遇該國貢船到口。卽將該貢使及貢物等項。派委妥員。迅速護送進京。毋得稍有遲誤。至該國貢船。雖據夷人稟稱。約於明年二三月可到天津。但洋船行走。風信靡常。或遲到數月。或早到數月。難以預定。該督撫等。應飭屬隨時稟報。遵照妥辦。再該貢船到天津時。若大船難以進口。著穆騰額。豫備小船。卽將貢物撥運起岸。並派員同貢使先行進京。不可因大船難以進口。守候需時。致有耽延也。將此傳諭各督撫。並諭郭世勳。盛住知之。）二十八日禮拜五。向歸山島（譯音）駛行。因霧重天黑。與印度斯坦船及兩二桅小帆船相失。先是。東印度公司主事者。曾派甲必丹。柏樂克。滔。駕一二桅帆船。勉勵號駛。往歸山島。令其游弋該處。候至六月三十日爲止。俾與吾船相值。三十日禮拜海面不見。勉勵號船之踪跡。遍問中國漁船。亦鮮有見者。此間中國漁船極多。數以千計。望之滿目。

都是碧波如鏡。綴此無數小舟。至足觀也。吾船下旋後。卽有一華人。業領港者。率其所屬。上船參觀。此人雖業領港。顧終始未見一船宏大如吾獅子船者。故覺事事新奇。稱譽不置。（參考▲史但頓出使中國記曰：吾獅子船體積既大。建造復迴。與華船不同。故抵此之後。一時人人詫爲奇觀。謂極海陸工程之能事矣。爾時上船觀者甚衆。擁擠不堪。名狀船上執事之人。初以自居客地。不能施號令於地主。聽其自由登船。不加禁阻。後以登船者多。逗留徘徊。不肯卽去。而未及登者。復呼噪欲上。互相推擠。不得已。乃請彼輩看畢。而後卽立時上岸。以便後來者得登船。一飽眼福。此輩上船後。雖各處隨意亂走。不問有無禁入之地。致船上水手大爲所苦。然尙肯自守規則。未有野蠻之舉。動於中有少數之人。狀貌粗蠢。若全無知識者。蓋下流社會也。）後於艙中見壁間懸一中國皇帝之御容。彼輩立卽俯伏於地。以至恭敬之狀。向地皮親吻數四。（譯者按：以意度之。當是磕頭。而外人誤爲向地皮親吻。抑何可笑。）（參考▲史但頓出使中國記曰：彼輩向地皮親吻。起立而後。咸向吾輩作喜色。似謂汝輩外國人。乃亦敬重吾中國皇帝。懸其像於船中。殊足感謝也。）七月一日禮拜一。吾船與印度斯坦號。憂考爾號。克拉倫司號。三船相遇。自上月十九以至今日。無日不雨。無日不霧。天色沉黑如晦。有時加以風警。航行至此。困苦已

極。其中晴暢者。僅有一日也。三日禮拜。三抵珠山下。旋（參考▲史但頓出使中國記曰。克拉倫司船下旋未幾。卽有當地之文武官員數人。上船詢問一切。其中有一商人。略解英語。爲充舌人。余卽問曰。吾船到此。鳴砲七響。以爲敬禮。何岸上答禮之砲。僅有三響。彼言中國風俗。不論何事敬禮之砲。以三聲爲限。三聲以外卽爲政府所不許。余又問。吾船開砲時。砲口平指岸上。開砲則砲口向上。何耶。彼曰。砲口上向爲防避危險起見。前此廣東某英國船。曾以開放敬砲之故。擊斃中國人二名。致開砲者不免於刑。慘故吾輩小心謹慎。不敢以砲口平指。且吾中國風俗。砲口平指。唯有擊人平時用之。卽爲大不敬云。）吾卽遣史但頓勳爵。乘克拉倫司船入城。與當地官長商量。俾得一熟悉海路之人。爲吾船引港。以便開往天津。吾船停泊之處。蓋在城東五十英里許。七日禮拜。史但頓勳爵回船。與二引港人俱。引港人言。他種船隻。均可直抵天津。獨獅子船體積太大。吃水太深。至廟島後。卽不能再進。又言廟島地近登州。居北直隸海灣之入口。北直隸海灣淺而多砂。停泊之地絕少。自此往廟島約四日之程云。史但頓勳爵亦言抵城後。得此引港之人。殊不易。謂與當地長官說明來意後。當地長官卽曰。吾等權力。僅能令引港者導尊船至。次一口岸交卸。復由次一口岸供給引港之人。如是逐節交換。至於末一口岸而止。史但

頓曰似此情形曠時費日於敝船殊爲不便。倘尊處無引港好手能直導吾船至於末一口岸者或寧波地方較大商業較繁必能具有此種引港之人務請貴長官代向寧波雇用長官一聞此言卽念及乾隆皇帝曾有通飭各口岸優待吾船之通令又恐不爲吾等辦理此事吾船抵寧波後向其上一級之長官言之此當地之長官必受譴責乃立允爲吾船竭力設法調查既久始得二人係前此自備船隻往來經商於天津各口者令其擔任此責卽吾偕來之二人是也（參考▲擺勞氏中國旅行記曰吾初不料此間欲僱用一引港之人竟艱難至此當地長官既允史但頓勳爵之請立命兵丁多人四出調查有無往來天津之人有則拘之至一古廟中加以考驗一時此古廟佛殿之上擁擠異常然大都不願前往容色之悲戚見者亦爲下淚考驗而後多以不合格一一遣去則權笑如釋重負最後始拘來二人經驗之深爲同輩冠顧二人前此雖經營海上事業有年今則以經商致富不願復有此冒險之舉一聞被選立即向長官磕頭求恕謂吾方業商吾苟遠出則商業必敗而妻孥必餒望長官憐而釋之長官置之不理斥言此係公事若輩胡得推諉今限汝一點鐘之內登船服役遲則治汝抗命之罪二人知不可免遂哭別妻孥隨吾輩登船）然二人雖略有經驗而於航海之知識與技術則殊形淺薄逆料此去船

上引港事宜。仍當自行料理。此二人僅足略備顧問而已。（參考▲克拉倫司船抵珠山海港而後。擺勞氏以貪食未熟之水菓太多。致患霍亂吐瀉之症。其中國旅行記曰。余以驟感時症。往商當地。長官乞代辦阿片大黃各少許。以資調治。而長官懇懇異常。立延一中國醫生爲吾調治。此醫生沉默寡言。見我之後。初不一問病狀。但以一手爲我診脈。兩目注視承塵。其診脈之。三指時。而此輕彼重時。而彼輕此重。越十分鐘之久。釋余手。言曰。足下此病。乃多食傷胃之物所致。余奇其言之神也。服其藥一劑而愈。後此見人。每稱道中國醫生。挾有神術。非吾西方醫生可比。而中國人復爲余言。中國習俗。男女授受不親。接手一事。社會懸爲厲禁。以是尊貴婦女之患病者。卽診脈亦在所不許。但以牽線診脈之法。代之其法。病人臥於內室。醫生坐於外室。病人脈際繫一絲線。引至外室。令醫生執之。醫術湛深者。可卽線以知病也。）十九日禮拜五。抵竹島。竹島吾嘗聞之。廟島則未之前聞。至是始知引港人之所謂廟島者。卽竹島之誤。（譯者案。山東有竹島。亦有廟島。惟竹島近岸。而廟島孤懸海心。引港人之言。雖誤。究未全誤也。）夫以本國一重要海岸之名詞。此輩猶不能記憶。無誤則其航海之知識。已概可想見。無怪吾船離岸稍遠。或偶至海水較深之地。彼等輒戰戰兢兢。以爲不可。又無怪吾船破浪而進。不肯受風雨之阻。彼

等。輒搖首。咋舌。視爲非常也。（參考▲中國旅行記曰。船中自有此中國引港人二名。後遂致終日喧鬧不寧。彼等雖有一繩以探測海水之深淺。顧膽小如鼠。往往極安靜之地。吾船過之。萬無危險者。彼等輒加以峻阻。以是船上執事之人。恆斤斤與彼等爭執爲狀。至堪發噓。平心而論。吾英執役於船上之人。多預先加以訓練。與以必要知識。且有一具高等知識者。統帶之。此輩則悉自下流社會出身。知識既無。所可自信者。但有閱歷。雖其主張至覺可笑。而恆惴惴然。唯恐偶有失誤。亦不能深責之也。）二十日禮拜六。自岸上得一新引港人。啟旋前行。數小時抵登州府。數日來。天氣變更無定。時而暴風驟雨。時而風定霧生。悶坐船中。至覺不快。入暮。約當下旋三小時之後。登州府長官到船拜見。其人爲中國大員。一與我見。卽言。兄弟已奉到朝廷命令。優侍貴使。貴使苟有所需。第在兄弟權力所能辦者。當無不如命。倘貴使欲自登州府取陸路。晉京則車輛及一切展運之事。當由兄弟擔任。云云。余均頷之。此人年事約三十五六。頗精幹。善交際。與余瑣談雜事。歷二小時始去。神意無倦。以素未謀面之人。而周至殷勤。乃如老友。是亦不可多得者矣。二十一日禮拜。登州府長官遣人送禮物至船。計牛四頭。縣山羊各八頭。白米紅米各五石。麥粉二百斤。蔬果各數筐。余受其禮。配以相當之回謝禮物。付其使者携去。又有一引

港老人年鬢已七十許。亦登州府長官派至船中聽候差遣者。此人言每當西歷七八九三月之交。北直隸海灣中。恆風平浪靜。吾船此去。可無險阻。又言爲吾船駁運行李禮物之船隻。今已停泊大沽口。一俟吾船到口。即可改登駁船。開往天津。好在各船均堅固宏大。不虞船中什物之損壞潮濕也。二十三日禮拜二。吾船在北直隸海灣之內。北直隸海灣爲黃海之一部。風浪甚靜。一如彼老引港人之所言。黃昏時。吾船與勉勵號相遇。此船抵澳門時。東印度公司之主事者。不知吾船抵澳門之時。亦須暫泊。因以信札付勉勵號。令其逕行北駛。俾於吾船未抵天津之前。在中途與吾船相遇。及吾船抵澳門。勉勵號已於數小時前北駛。吾船遂與勉勵號相失。至是始遇。二十五日禮拜四晨起。日甫出。卽見吾船四周。有中國船無數。大小不等。所佔面積。可二三英里。吾因問引港人。此地何地。去天津之口岸。（指大沽口）爲程幾何。引港人未能明答。而余見遠遠檣桅叢密之處。南北兩旁。均有樹木家屋。隱然可見。以意度之。彼處必爲直達天津之河道之出口處。與吾船相距。爲程不過九英里。顧不審吾所料果否無誤。乃命康倍爾大副。及密司忒許德南二人。乘憂考爾船前往探取息耗。傍晚二人歸。始知吾料果不謬。且言渠等到口之時。卽有下級華官數人。上船詢問。及知此船乃隸於英國欽使部下。華官立請彼等上岸。與兩

大員相見此兩大員已駐節彼間多時日盼余至故一見二人多異常欣忭待以殊禮且細問英國欽使及欽使部下各員情形凡各員之職位品格性情年歲以及此次帶來之禮物獅子船及各屬船之形式駛力莫不一一縷問且令一書記傍侍將二人答語筆之於書二人別時兩大員言目下岸上各事多已齊備一俟獅子船抵灘（獅子船過大不能傍岸只可駛抵沙灘而止）當由兩大員躬至船上候英國欽使安好又言目下獅子船去灘不遠爲程不過三海里矣二人復言默觀華員神氣咸料吾船此次帶來之禮物必大有可觀而吾船所備者實爲數無幾萬一進呈御覽時乾隆皇帝不能滿意則吾輩此行結果必不能十分圓滿史但頓勳爵亦謂曩在澳門之時嘗與一紳士閒談此紳士來華已久熟悉東方情形因問欽使此次東來攜有禮物若干史但頓舉船中所備者告之紳士曰似此恐不免令華人失望職是之故余乃與史但頓會商添加禮物之法願所加之物既欲求其珍貴又當以吾英國產爲限而萬里東來所攜有限勢不能復回本國而取之不得已調查船上各員自備品之珍貴者照原價估之借作公用計得二物一爲大望遠鏡一具密司忒勃郎所有一爲潘克氏製大靈司一具（靈司爲光學中凸凹鏡之總稱此言潘克氏所製靈司想係用凸鏡或凹鏡製成之一種器械具有特別功用者

一甲必丹麥金吐司所有此靈司珍貴異常不特東方罕見卽吾英亦不可多得甲必丹曾以重價得之攜之來華意將奇貨居之鬻諸華商吾恐此物一入華商之手則達官親貴必輾轉求之終至貢諸乾隆皇帝而後已果使此物仍爲乾隆皇帝所得則同是西方貨物皇帝萬幾之暇取吾英所進禮物與此物比較之吾禮物優美之光華必爲此物所掩蔽而皇帝心中亦必謂英國國家見貽之品奈何反不如吾臣下之所貢如是則吾此番出使之榮譽必爲之稍減而於吾英國國家之光榮亦所關非細也故余與甲必丹熟商移購此物置之禮物之中自謂禮物中有此二物北京雖大而所藏西洋精美之品殆無有足與相埒者矣入夜余以登岸之前有種種急應與華官斟酌佈置之事而入國問禁吾盲於中國習俗凡關於儀注一切尤不得不先有人爲余探詢因復遣許德南乘勉勵船登岸與華官接洽二十八日禮拜有下級華官數人來船問安好且言岸上各事現已佈置就緒有駁船多艘已在沙灘恭候尙有多艘定於明日開至沙灘云三十日禮拜二密司忒許德南乘勉勵號回船自言承辦各事已一一接洽妥當又言當勉勵號傍岸停泊之時曾有華官多人上船詢問汝等有鐘表及刀劍出賣否許德南辭以吾船並非商船不賣鐘表刀劍彼等乃露失望之色怏怏而去準是以觀彼等殆有熱望吾等以此

種零星小物見贈之意。余苟不設法贈之，必非彼等所願。顧所備禮物，既不能分拆，而船上各員行李中所攜之零星小物，亦爲數無幾，不敷分派。不得已，與印度斯坦船上各執事人商量，購其隨身攜用之時表，以益之。三十一日禮拜三終日，大風海灣中小船不能行駛。午刻，兩大員督駕大號駁船七艘，自岸上裝運大宗糧食雜物到船。計牛二十頭、羊一百三十頭、豬一百二十頭、雞一百頭。（參考▲擺勞氏中國旅行記曰：雞豬二物以爲數過多，裝運時有壓擠而死者。交卸時，苦力輩陳死雞死豬於獅子船甲板之上，去其毛洗之，使淨。鹹之以鹽，一疊之於吾船貨艙中，謂此種鹹物可以耐久，堪留作後用也。）

鴨一百頭、粉一百六十袋、米一百六十袋、滿洲麵包十四箱、茶葉十箱、小米一箱、紅米十箱、白米十箱、蠟燭十箱、西瓜一千個、甜瓜三千個、乾製桃子二十二箱、蜜餞菓子三十二箱、乾製菓子二十二箱、蜜餞蔬菜二十二箱、鹽製蔬菜二十二箱、大號東瓜四十籃、南瓜一千個、新鮮蔬菜四十捆、豌豆筴二十擔、陶器三隻、供給之周至如此，而禮貌又優渥，異常。恐世界各國之優待他國使臣者，多不能與此。東方帝國比也。顧吾以其所贈之物太多，供過於需，全受之，或滋霉腐，故僅受其大半，而璧其小半。兩大員一曰樊大人，一曰周大人（均譯音）樊周二字係族氏大人，則其尊稱言偉大之人物也。樊大人爲一武官。

頭上插孔雀毛（參考▲史但頓出使中國記曰：余初以中國官員頭上所插孔雀毛爲裝飾物之一種，如吾英婦女之冠羽，然後乃知此係朝廷名器，名曰翎子，必建有勛勞皇帝賜之，乃能插用也。）戴紅珊瑚頂子，紅珊瑚頂子者，二品官之標記也。（參考▲史但頓出使中國記曰：樊大人爲人，忼爽異常，在在脫武人本色，英勇之氣，躍躍於眉目間，渠嘗躬與戰事，身受數傷，而體格之健全，不因此稍損，身材亦僅中人，而背脊甚直，四肢筋肉凸起，如栗，語言動作，雖直率近鄙，而天真爛然，足爲其成功立業之表證，其布置各事，既周到精細，足令吾輩深感而談話時之開誠布公，歡笑不拘，細節若家人朋友之相處，則又足表其品格之豪爽也。）周大人則爲文官科甲出身，戴一藍頂子，藍頂子與紅頂子較品級居次，然華人重文輕武，樊大人之權似反在周大人之下也。（參考▲出使中國記曰：周大人沉靜穩默，恂儒者也，觀其言行，似不論事之對己對人，有無關係，渠多置之不顧，但一意以誠實忠信之心視歡迎吾等之事，爲其唯一職守，渠嘗爲某王府教習，以爲人正直，富有學問，爲一時所稱頌云。）二人上獅子船後，先與余寒暄，作種種中國式之客氣狀態，余亦勉效一二以報之，然自問殊不能中式也，坐定後，卽談正事，周大人且談且記，凡渠意中以爲必須記錄者，一一筆之於書，未幾，凡關於吾輩登岸時之

一切設備以及裝運行李禮物之方法應用駁船之形式及多寡均已商量就緒而余一計登岸之前尚有種種預備恐非在四五日之後不能離船也兩大人均英敏有才具語言流暢而又明於事理宛而能達以故舌人居間繙繹無誤會阻隔之弊（參考▲出使中國記曰兩大人登船時吾等以至敬之禮相迎兩大人亦甚解事凡兩國習俗上敷衍應酬之語滯笨之人不能會之以意而必令舌人居間瑣瑣者兩大人均能於語氣中得之不俟舌人啟口卽報之以歡笑察兩大人之意似甚願得吾等之歡心也）談話既畢余卽留兩大人在船中小酌吾人所用刀叉兩大人初覺用之不習然未幾卽能隨意又切船中原備之餚饌初無珍品卽由庖丁自兩大人見贈各品中擇其珍貴者烹調以進酒則悉係西品因東西口吻不同盡出所藏種種名酒於案聽兩大人自擇兩大人乃一。遍。嘗。之。凡。葡。萄。酒。杜。松。子。酒。燒。酒。啤。酒。糖。水。酒。椰。子。酒。舍。利。別。酒。白。蘭。地。酒。等。莫。不。各。飲。少。許。而。以。白。蘭。地。酒。最。當。其。意。故。所。飲。較。多。兩。大。人。告。別。時。亦。學。西。禮。與。余。握。手。及。至。艙。面。見。吾。船。衛。隊。及。音。樂。隊。方。整。列。行。送。別。之。禮。則。顧。而。大。樂。駐。足。聽。音。樂。移。時。始。歡。然。而。去。吾。知。兩。人。心。中。必。甚。滿。意。也。兩。人。在。船。時。曾。一。問。吾。船。帶。來。禮。物。何。若。余。告。之。以。各。物。之。名。及。其。形。式。功。用。兩。人。均。言。此。種。禮。物。甚。爲。合。式。請。開。一。清。單。見。示。俾。先。期。譯。爲。華。

文進呈御覺。余諾之。八月二日禮拜五。有大號駁船數艘。自岸上來。裝駁印度斯坦船中各物。一三品官戴藍頂子者。同來監督其事。至各駁船一律裝滿後。始去。三日禮拜六。仍自岸上派駁船前來裝駁貨物。約計下禮拜一可以裝完。其監理之人。仍爲昨日之三品官。四日禮拜是日裝駁貨物之人。均異常出力。儘一日之長。將各物裝置完畢。裝畢後。預定先將此種大號駁船。開至大沽。再從大沽換用小號駁船。開至通州。通州離北京十二英里。至此水道已盡。須改由陸路入京矣。余不耐悶坐。至船頭觀看中國苦力搬運貨物。見人。人。多。筋。骨。堅。壯。饒。有。氣。力。雖。作。事。之。時。歌。唱。呼。喚。殊。擾。人。耳。而。秩。序。井。然。不。紊。又。能。各。盡。其。力。無。貪。懶。嬉。戲。者。洵。足。多。也。各駁船裝置貨物既畢。三品官卽分派下級官員數人。令各司一船。以各船所裝貨物之細帳付之。使爲一船之長。担負職任。以防遺誤。亦善法也。此時余料明日之晨。余及屬員。必須登陸。登陸之後。華人之歡迎供張。必備極優異。若互派公使一事。得蒙中國朝廷批准。則吾輩勾留之時間。亦必甚久。倘留此數船靜候於此。殊屬無謂。計不如令各船回至珠山休息。因獅子船中上下司役。困於船居已久。當得一安靜之地。泊之。令船中人得登陸一舒體氣。若休息若干時後。吾猶無回國之必要者。各船卽可先行回國。而印度斯坦容量甚大。力能任重。苟於抵珠山後。裝載商貨若干。